



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

**24 Mei 2021
12 Syawal 1442H**

| SENARAI AKHBAR | TAJUK |
|---------------------------------|--|
| Utusan Malaysia | <ul style="list-style-type: none">• 4 nelayan cemas bot pukat tunda hamper karam• Projek udang jejas pendapatan nelayan |
| Berita Harian | |
| Harian Metro | <ul style="list-style-type: none">• Bida hasil laut dalam talian |
| Kosmo ! | |
| Sinar Harian | |
| The Star | |
| New Straits Time | |
| Nanyang Siang Pau | |
| Malaysia Gazette | |
| Harakah | |
| Malaysia Dateline | |
| Bernama | |
| See Hua Daily News (Kuching) | |
| Guan Ming Daily | |
| Sin Chew Daily | |

| JENIS AKHBAR | | | | | | | MUKA SURAT 29 | TARIKH 24/05/2021 |
|---------------------------|----------------|-------------------|--|----------------|--|-------------------|------------------|----------------------|
| UTUSAN MALAYSIA | / | KOSMO ! | | THE STAR | | NANYANG SIANG PAU | | |
| BERITA HARIAN | | SINAR HARIAN | | THE SUN | | ORIENTAL DAILY | | |
| HARIAN METRO | | NEW STRAITS TIMES | | THE MALAY MAIL | | PELBAGAI | | |
| KATEGORI LIPUTAN : | POSITIF | | | NEGATIF | | NEUTRAL | | |

4 nelayan cemas bot pukat tunda hampir karam

ALOR SETAR: Empat nelayan tempatan berdepan detik cemas apabila bot mereka bocor dan hampir karam di kedudukan 5 nautika barat daya Kuala Kedah dekat sini, malam kelmarin.

Bagaimanapun, nelayan terbarat berjaya diselamatkan oleh anggota Agensi Penguatkuasaan Maritim Malaysia Zon Maritim (Maritim Malaysia) Kuala Kedah yang bergesgas ke tempat kejadian selepas menerima panggilan cemasan pada pukul 9.55 malam.

Menurut Pengarah Zon Maritim Kuala Kedah, Komander Maritim Noor Azreyanti Ishak, selepas mendapat maklumat tersebut, pihaknya telah menghantar anggota dengan menggunakan bot Perkasa 1226 ke lokasi kejadian.

Katanya, anggota Maritim

Malaysia berjaya menemukan bot berkenaan pada pukul 10.48 malam dalam keadaan separuh tenggelam.

"Usaha menyelamatkan mangsa menghadapi sedikit kesukaran berikutan keadaan laut yang bergelora, namun semuanya dapat diselamatkan.

"Pada masa itu didapati hanya seorang mangsa sahaja memakai jaket keselamatan," katanya dalam satu kenyataan di sini semalam.

Menurut Noor Azreyanti, empat mangsa itu ialah tekong, Hossin Mohammad, 49, dan awak-awak pula Romli Hassim, 65, Amran Abu Seman, 49, dan Omar Bakar, 56.

Katanya, semua mangsa kemudian dibawa balik ke Jeti Zon Maritim Kuala Kedah di sini untuk tindakan selanjutnya.



EMPAT nelayan yang terselamat selepas bot pukat tunda yang dinaiki mereka bocor dan hampir karam di kedudukan 5 nautika barat daya Kuala Kedah, Alor Setar, malam kelmarin. - UTUSAN/MOHD. RIFAAT ABD. HAMID

| JENIS AKHBAR | | | | | | | MUKA SURAT 30 | TARIKH 24/05/2021 |
|--------------------|---------|-------------------|--|----------------|--|-------------------|------------------|----------------------|
| UTUSAN MALAYSIA | / | KOSMO ! | | THE STAR | | NANYANG SIANG PAU | | |
| BERITA HARIAN | | SINAR HARIAN | | THE SUN | | ORIENTAL DAILY | | |
| HARIAN METRO | | NEW STRAITS TIMES | | THE MALAY MAIL | | PELBAGAI | | |
| KATEGORI LIPUTAN : | POSITIF | | | NEGATIF | | NEUTRAL | | |

Projek udang jejas pendapatan nelayan

Oleh MOHAMAD HAFIZI
MOHD. SAID
utusannews@mediamulia.com.my

IPOH: Kerajaan negeri digesa menghentikan aktiviti akuakultur kolam udang di pesisir pantai berhampiran Kampung Sungai Betul Bawah, Tanjung Piandang di Kerian berkeluasan sekitar 200 ekar yang akan menjejaskan pendapatan nelayan.

Setiausaha Persatuan Pendidikan dan Kebajikan Jaringan Nelayan Pantai Malaysia (Jaring), Azrilnizam Omar berkata, pihaknya menerima aduan berhubung cadangan aktiviti akuakultur di dalam hutan paya bakau di atas tanah milik Perbadanan Pembangunan Pertanian Negeri Perak (PPPNP) di kawasan tersebut.

Menurutnya, kawasan berkenaan merupakan sebahagian daripada hutan paya bakau laut di pesisir pantai berhampiran Kampung Sungai Betul Bawah.

"Projek ini akan menjejaskan mata pencarian komuniti nelayan pantai setempat yang terdiri daripada golongan B40.

"Aktiviti akuakultur kolam udang di dalam kawasan tersebut bukan sahaja merosakkan hutan paya bakau laut malah memusnahkan kawasan pembi-



LOKASI cadangan aktiviti akuakultur kolam udang di dalam hutan payau bakau laut di di Kampung Sungai Betul Bawah, Tanjung Piandang, Kerian, Ipoh.

akan dan nurseri bagi hidupan laut seperti ikan, udang, ketam dan lain-lain," katanya dalam kenyataan semalam.

Menurutnya, berdasarkan semakan pihaknya, Jaring, kawasan yang terletak berham-

piranjeti nelayan itu tidak berada di dalam Zon Industri Akuakultur (ZIA) yang diwartakan oleh kerajaan negeri.

Katanya, pelaksanaan aktiviti penternakan udang di kawasan itu juga di dapati bercanggah

dengan Draf Rancangan Tempatan Daerah Kerian 2035 di mana aktiviti akuakultur yang dibenarkan hanya melibatkan penterakan ikan dalam sangkar, ikan hiasan dan juga kerang.

Menurut Azrilnizam, pelepasan air sisa kolam ternakan tersebut ke laut dan sungai yang sering kali berlaku akan membunuh hidupan laut di kawasan tersebut dan menjadikan hasil tangkapan serta kehidupan komuniti nelayan pantai.

"Jaring menggesa praktis yang memusnahkan ekosistem hutan paya bakau laut dan menjadikan mata pencarian nelayan pantai ini dihentikan segera.

"Kehidupan dan pendapatan komuniti nelayan pantai di sekitar Kampung Sungai Betul Bawah sudah cukup terjejas dengan pencemaran daripada aktiviti kolam udang yang sedia ada dan aktiviti pencerobohan oleh bot-bot pukat Apollo ke Zon A yang berleluasa," katanya.

Sementara itu, Azrilnizam meminta kerajaan negeri memberi perhatian terhadap isu pemilikan tanah oleh PPPNP di kawasan hutan paya bakau laut sekitar Perak di mana syarikat milik kerajaan (GLC) Perak itu dilihat seolah-olah bertindak sebagai broker.

| JENIS AKHBAR | | | | | | | MUKA SURAT | TARIKH |
|-------------------|---|-------------------|--|----------------|--|-------------------|------------|--------|
| UTUSAN MALAYSIA | | KOSMO ! | | THE STAR | | NANYANG SIANG PAU | | |
| BERITA HARIAN | | SINAR HARIAN | | THE SUN | | ORIENTAL DAILY | | |
| HARIAN METRO | / | NEW STRAITS TIMES | | THE MALAY MAIL | | PELBAGAI | | |
| KATEGORI LIPUTAN: | | POSITIF | | NEGATIF | | NEUTRAL | | |



EIJAN menjual ikan dan hasil laut dalam talian secara Live di FB.

Bida hasil laut dalam talian

Kuala Lumpur: Sekatan pergerakan dilaksanakan kerajaan untuk tempoh dan jarak tertentu turut memberikan tempias kepada peniaga konvensional supaya mengubah teknik pemasaran kepada platform dalam talian.

Tidak terkecuali peniaga ikan yang dahulu bergantung hampir 100 peratus kepada pelanggan untuk datang membeli secara terus di premis terutama sebelum Perintah Kawalan Pergerakan (PKP) 1.0 dilaksanakan tahun lalu.

Lock atau bidaan untuk membeli ikan atau hasil laut di dalam talian oleh pelanggan kini sesuatu yang menyeronokkan bagi peniaga ikan, Norazimle Rezan Mohamad Noor, 29,

atau lebih mesra dipanggil Eijan.

Dia mendapat idea menjual ikan dari hasil laut di Facebook (FB) Live selepas PKP tahun lalu dengan

menggunakan jenama Hasil Laut Sekinchan Kak Omele.

"Sekarang zaman semua urusan atas talian. Kadang-kadang kita kena cuba benda yang baharu supaya tak tertinggal ke belakang.

"Niat adalah untuk memudahkan orang lain mencari ikan dan hasil laut segar. Lebih-lebih lagi waktu PKP dan penularan Covid-19 masih tinggi, ramai memang mengelak bersebak di luar.

"Jadi bagi saya, inilah waktu yang terbaik untuk menyediakan perkhidmatan memudahkan barang asas makanan khususnya hasil laut sampai ke setiap pintu rumah pengguna," katanya ketika dihubungi Harian Metro.

Ditanya apakah perasaan kali pertama ke udara secara langsung di FB menjual produk jualannya, beliau mengakui malu dan gugup.